



INFORMA

Instrucións para o desenvolvemento do procedemento de recoñecemento da consolidación de grao persoal do persoal estatutario fixo de xestión e servizos e persoal sanitario con titulación de formación profesional

A Lei 55/2003 do 16 de decembro (BOE do 17 de decembro), do Estatuto Marco do persoal estatutario dos servizos de saúde, establece as bases da provisión de prazas do referido persoal e insta as comunidades autónomas a aprobar, en desenvolvemento dela, os estatutos e demais normas aplicables nos respectivos servizos de saúde.

Na Comunidade Autónoma de Galicia, estas bases deben complementarse coas previsións que sobre a mesma materia contén a Lei 7/2003, do 9 de decembro de ordenación sanitaria de Galicia, a cal, polo demais, habilita ao Consello da Xunta para aprobar, mediante decreto, o réxime estatutario do persoal do Servizo Galego de Saúde.

Á finalidade dedesenvolver e executar os preceptos contados nos ditos textos legais, resposta o Decreto 206/2005 do 22 de xullo, de provisión de prazas de persoal estatutario do Servizo Galego de Saúde. A súa disposición adicional novena recoñece o dereito á consolidación do grao persoal nas categorías do grupo de xestión e servizos e do grupo de persoal sanitario para cuxo acceso sexa requirida un título de formación profesional, polo desempeño dun ou máis postos do nivel correspondente.

Cómpre xa que logo ditar as instrucións precisas para a harmonización do procedemento que dea virtulidade ao devandito dereito

INSTRUCCIÓN

Primeira.- Obxecto

A presente Circular establece o procedemento de recoñecemento de grao persoal regulado polas disposicións adicionais novena e décima e transitoria segunda do Decreto 206/2005, do 22 de xullo, de provisión de prazas de persoal estatutario do Servizo Galego de Saúde.

Segunda.- Ámbito de aplicación

Terá dereito ao recoñecemento de grao a que se refire o artigo anterior o persoal estatutario fixo con destino definitivo en postos de traballo de persoal estatutario do Servizo Galego de Saúde das categorías de xestión e servizos e daquelas sanitarias, para cuxo acceso se esixible título oficial de de formación profesional da rama sanitaria.

Terceira.- Requisitos para o recoñecemento do grao persoal

Terá dereito ao recoñecemento do grao persoal a que se refire a presente instrucción o persoal estatutario que acredite os seguintes requisitos:

1.- Que ostenta a condición de persoal estatutario fixo nalgunha das categorías de dos grupos de xestión e servizos xerais ou nalgunha das categorías sanitarias para cuxo acceso sexa esixible a titulación oficial de formación profesional da rama sanitaria.

2.- Que posúe destino definitivo en praza das mentadas categorías do Servizo Galego de Saúde

**B
O
T**

3.- Que ten desempeñado servizos, como persoal estatutario fixo, nos postos de traballo das citadas categorías ou en postos da relación postos de traballo de persoal funcionario da Xunta de Galicia, durante o tempo necesario para a consolidación de nivel de conformidade co disposto na disposición adicional novena do Decreto 206/2005, do 22 de xullo.

Cuarta.- Réxime de consolidación de grao

1.- Todo o persoal do ámbito de aplicación da presente instrucción consolidará un grao persoal polo desempeño de un ou mais postos do nivel correspondente durante dous anos continuados ou tres con interrupción

O persoal que obtivese destino definitivo nun posto de traballo superior en mais de dous niveis ao correspondente ao seu grao persoal, consolidará cada dous anos de servizos continuados o grao superior en dous niveis ao que posúan, sen que en ningún caso poidan superar o correspondente ao do posto desempeñado.

2.- O persoal consolidará como grao inicial o básico da correspondente categoría, sen prexuízo do nivel do posto de traballo adxudicado tra-la superación do proceso selectivo, cuxa consolidación producirase nos termos desta disposición

3.- Se o persoal obtivese destino definitivo nun posto de traballo de nivel superior ao grao en proceso de consolidación o tempo de servizos prestados neste será computado para a consolidación do dito grao.

Se o persoal obtivese destino definitivo nun posto de traballo de nivel inferior ao grao en proceso de consolidación o tempo de servizos prestados no posto de nivel superior será tido en conta aos efectos de consolidación de grao

correspondente ao nivel de aquel, sen que en ningún caso poida contravirse o disposto no parágrafo 1 da presente instrucción.

Sen prexuízo do posto desempeñado, en ningún caso o persoal poderá consolidar graos superiores ao o correspondente ao nivel máximo dos postos que poidan ser desempeñados dende categoría de pertenza como persoal estatutario fixo. Non terán esta condición os desempeñados en situación de promoción interna temporal

4.- Unha vez consolidado o grao inicial o tempo de servizos prestados en comisión de servizos será computado para consolidar o grao correspondente ao posto desempeñado sempre que se obteña con carácter definitivo ou en virtude de convocatoria pública o dito posto ou outro de igual ou superior nivel

Se o posto obtido fose de nivel inferior ao desempeñado en comisión pero de superior nivel ao do grao persoal consolidado, o tempo de desempeño en comisión de servizos computarase para a consolidación do grao correspondente ao nivel do posto obtido.

5.- O tempo de permanencia nas situacións de servizos especiais será computado aos efectos de adquisición do grao persoal .

De igual xeito serán computables os tempos nos que o persoal permaneza en situación de excedencia por coidado de familiares

Quinta.- Procedemento para o recoñecemento de grao

1.- O procedemento para o recoñecemento do grao persoal iniciarase a solicitude do interesado que se acompañará coa documentación acreditativa do cumprimento dos requisitos mediante:

- Orixinal ou copia cotexada do noemamento como persoal fixo das categorías dos grupos de xestión e servizos xerais e sanitarias para cuio acceso sexa esixible titulación de formación profesional
- Derradeira toma de posesión do destino definitivo no Servizo Galego de Saúde
- Certificación de servizos prestados na que conste a categoría e os postos desempeñados coa condición de persoal fixo, título en virtude do cal foron ou están a ser desempeñados, período de desempeño e nivel ou niveis que tivesen adscritos os ditos postos ao longo dese período.
- Copia cotexada da resolución na que conste o último o grao persoal que tivese recoñecido, se é o caso

2.- Recibidas as solicitudes e logo da comprobación do cumprimento dos requisitos, a División de Recursos Humanos e Desenvolvemento Profesional resolverá sobre a súa procedencia, facendo constar o grao persoal que se consolida e a data dos seus efectos ou desestimando motivadamente a solicitude do interesado.

Da resolución recaída daraselle traslado á dirección do centro de destino aos efectos da súa notificación ao interesado e constancia no seu expediente persoal e, xa que logo, expedirase a correspondente certificación de haberes, de se-lo caso

As certificacións que se realicen con motivo do cesamento dos traballadores na institución recollerán constancia do grao persoal consolidado

Sexta.- Efectos económicos e administrativos

A resolución pola que se recoñeza a consolidación dun determinado grao persoal outorgará o dereito ao interesado a percibir as contías correspondentes ao complemento de destino dun posto de traballo de idéntico nivel ao dito grao, con efectos económicos e administrativos da data de presentación da solicitude estimada pola citada resolución.

Disposición adicional

O grao que tivese acreditado o persoal funcionario que desempeñase praza das institucións sanitarias do Sergas despregará toda a súa eficacia aos efectos do previsto na disposición adicional novena e transitoria segunda do Decreto 206/2005 e das presentes instrucións.

Disposición transitoria primeira

Como consecuencia da entrada en vigor do sistema de consolidación de grao persoal e da disposición das adaptacións precisas para a súa implantación, as resolucións que se diten nos procedementos iniciados no prazo do ano seguinte á publicación desta instrucción terá efectos retroactivos á data de entrada en vigor do Decreto 206/2005, do 26 de xullo.

Sen prexuízo do disposto no parágrafo anterior, a retroacción de efectos queda suxeita en todo caso ao cumprimento dos requisitos para a consolidación de grao, sen que en ningún caso caiba a retroacción a un momento anterior.

Disposición transitoria segunda

O persoal estatario fixo das categorías dos grupos de xestión e servizos xerais que, con anterioridade á entrada en vigor do Decreto 206/2005, do 26 de xullo, e de conformidade co réxime xurídico vixente no seu intre, desempeñase con tal condición postos de traballo do organismo autónomo Sergas terá dereito ao recoñecemento do grao persoal ao abeiro do previsto nas presentes instrucións.ao pola que se recoñeza do grao persoal ao seu abeiro terá efectos retroactivos

A tal efecto computaranse exclusivamente os servizos prestados en condición de persoal estatutario fixo en postos de traballo do Servizo Galego de Saúde